



---

## Giza eskubideen defendatzaileak aldi batez Euskal Autonomia Erkidegoan babesteko programa

---



Eguneratua. 2021eko urria



---

# **Giza eskubideen defendatzaileak** aldi batez Euskal Autonomia Erkidegoan babesteko programa

---

**Eguneratua. 2021eko urria**

**2021eko urria**

Giza Eskubide, Biktima eta Aniztasun Zuzendaritza

---

**EUSKO JAURLARITZA**



**GOBIERNO VASCO**

BERDINTASUN, JUSTIZIA  
ETA GIZARTE POLITIKETAKO SAILA

DEPARTAMENTO DE IGUALDAD,  
JUSTICIA Y POLITICAS SOCIALES



## Sarrera

---

Munduko hainbat eskualde eta herrialdetan, mehatxuak eta jazarpenak pairatzen dituzte giza eskubideen defendatzaileek eta haien erakundeek, eta arriskuan jartzen dute haien bizitza eta osotasun fisiko eta psikologikoa, bai eta haien senideena ere.

Kolektibo horrek beren lurralde edo jardun-eremutik lekualdatzera behartua izateko arrisku berezia du. Munduan, joera kezagarri eta orokortua eraten dute, oraindik ere, erailketa, eraso eta mehatxuek; sarri, justizia-sistema erabiltzen da haien lana mugatzeko, haiek isilarazteko eta haien sinesgarritasuna ahultzeko, zigorgabetasuna nagusitzen delarik; gizartearen protestak indarkeria neurrigabe erabiliz zapaltzen dira; eta estigmatizazio-kanpainak abiarazten dira, beste bortizkeria-ekintzen artean.

Kriminalizazioa eta judizializazioa dira haien lanari legitimazioa kentzeko eta oztopatzeko gehien erabiltzen den estrategia. 2017. urtean zehar, giza eskubideen milaka defendatzaile atxilotu zituzten, akusazio faltsuak jasan zituzten, baita lege-prozesu luze, garesti eta bidegabeak eta, kasu batzuetan, espetxe-zigor luzeak ezarri zitzaizkien.

Jazarpen- eta behartutako lekualdatze-egoera horiek gero eta ezagunagoak dira, giza eskubideen alde diharduten defendatzaileek, erakundeek eta gizataldeek beren jatorriko herrialde barruan nahiz kanpoan egindako ikusarazte-lanari esker, bai eta nazioarteko komunitatearen laguntza eta babesari esker ere. Nolanahi ere, defendatzaile ugariaren babesgabetasun-egoerak larriki eragozten du giza eskubideen alde egiten duten lan zilegi eta eraldatzailea.

Esparru hori funtsezkoa da lanean jarraitzeko, hartara, aintzat har dadin zein ekarpen baliotsua egiten duten erakunde, gizatalde eta komunitate horiek askatasunaren, berdintasunaren eta justizia sozialaren printzipioak aurreratze eta indarkeriari bide ematen dioten egiturazko kausak ikusgai egin eta erroitik kentzeko.

Hala, nazioarteko babes eta elkertasuneko tresnak dira Aldi batez Babesteko Programak: alde batetik, pertsonen bizitza eta osotasun fisikoa babesten laguntzen dute; bestaldetik, baita jatorriko lurraldean giza eskubideen aldeko prozesuei eusten ere, harrera-herrialdeetako antolakunde, mugimendu eta erakundeekin lotura eratuz.

Giza eskubideen defendatzaileak babestea biziki gomendatzen dute nazioartean<sup>1</sup> eta badu lege-esparrua Europa mailan<sup>2</sup> nahiz Espainia mailan<sup>3</sup> ere.

---

1 60/161 Ebazpena (2. eranskina), Nazio Batuen Batzar Nagusiarena: *Gizabanakoek, taldeek eta erakundeek mundu osoan onartutako giza eskubideak eta oinarrizko askatasunak bultzatu eta babesteko dituzten eskubideari eta betebeharrari buruzko adierazpena.*

2 Europar Batasunaren gidaleroak Giza Eskubideen Defendatzaileei buruz, 2004ko ekainaren 14a. 2008an berrikusiak.

3 1257/2007 Errege Dekretua, "... laguntzen xede diren arreta humanitarioko ekintzak, giza eskubideen defendatzaileei bizi diren herrialdeetatik ateratzen laguntzera zuzendurikoak..." (1.2. art.).

---

# Aurrekariak

---

2011n, Eusko Jaurlaritzaren Herri Administrazio eta Justizia Sailak, Giza Eskubideen Zuzendaritzaren bitartez, Giza Eskubideen Defendatzaileak aldi batez Euskal Autonomia Erkidegoan Babesteko Programa martxan jarri zuen. Gaur egun, Giza Eskubide, Biktima eta Aniztasun Zuzendaritzaren esku dago programa eta Garapenerako Lankidetzaren Euskal Agentziaren babesa dauka.

Eusko Jaurlaritzak, hala, nazioarteko esparrura bideratzen du bere jarduera, giza eskubideekiko eta nazioarteko elkartasunarekiko konpromisotik.

CEAR-Euskadik garatzen eta kudeatzen du Programa. Erakundeak ibilbide luzea du nazioarteko babesa behar duten edota bazterketa-arriskuan dauden errefuxiatu, lekualdatu, aberrigabe eta migratzaileen giza eskubideak babesten eta sustatzen. Erbestetara behartuta dauden pertsonentzat asilo-eskubidea defendatzen du CEAR-Euskadik, baita arriskuan dauden giza eskubideen defendatzaileak babesteko mekanismoak inplementatzea ere, euren lurraldeetara itzul daitezen. Saihestu egingo da, horrela, behartutako lekualdatze amaigabea eta eraldaketa sozialerako prozesuak etetea.

Esparru horretan, 2009an, Kolonbiarekin<sup>4</sup> elkartasunean lan egiten duten zenbait euskal erakundek Kolonbiarekiko Elkartasun Iniziatiba (Kolektiba Colombia) abiarazi zuten. Estatuan –batez ere Asturiasen eta Katalunian– jada abiarazitako babes-esperientziak aztertuta, Euskadin euskal lankidetzaren eta elkartasunaren berezitasunei egokitutako babes-programa bat ezartzeko erabakia hartu zuten.

Programa bi horiek nola funtzionatzen duten ezagutzeko, kontaktuak jatorrian egiteko eta Euskadin ezarri beharreko ereduari buruz ikaskuntzak eskuratzeko, CEAR-Euskadik Giza eskubideen defendatzaileen babesarako Kataluniako programa laguntzeko Nazioarteko Misioan parte hartu zuen 2010ean, eta 2011n, Eusko Jaurlaritzaren Giza Eskubideen Zuzendaritzarekin batera, Kolonbian giza eskubideen egoera egiaztatzeko Asturiaseko VII. Ordezkaritzan parte hartu zuen.

Urte hauetan zehar (2011-2018) 20 lagun izan dira (11 emakume, 7 gizon eta adingabe bi –neska bat eta mutil bat–), Programan parte hartu dutenak, guztiak arrisku-egoeran dauden erakunde, komunitate eta gizatalde desberdinetakoak.

•**Colombia:** Asociación de Mujeres por la Paz y los Derechos de las Mujeres Colombianas (ASODEMUC), Asociación para el Desarrollo Social Integral (ECATE), Comisión Intereclesial de Justicia y Paz, Congreso de los Pueblos, Corporación Social Nuevo Día, Consejo Regional Indígena del Cauca (CRIC), Fundación de Derechos Humanos Joel Sierra, Fundación por la defensa de Derechos Humanos y el Derecho Internacional Humanitario del Oriente y Centro de Colombia (Fundación DHOC), Movimiento de Víctimas de Crímenes de Estado (MOVICE), Movimiento Social y Político Marcha Patriótica, Organización Indígena de Antioquia (OIA), Proceso de Comunidades Negras (PCN), Resguardo Indígena de Honduras.

•**Honduras:** Comité de Familiares de Detenidos Desaparecidos de Honduras (COFADEH), Instituto Ecuaménico Hondureño de Servicios Comunitarios (INEHSCO).

•**Guatemala:** Consejo de Pueblos K'iche' (CPK), Organización de Apoyo a una Sexualidad Integral frente al SIDA (OASIS), Red de Sanadoras Ancestrales del feminismo comunitario (Quiché).

•**Perú:** Asociación de Mujeres de la Provincia de Huancabamba (AMBHA), Convenio Instituto de Apoyo al Movimiento Autónomo de Mujeres (IAMAMC).

•**Mendebaldeko Saharako lurralde okupatuak:** Asociación Saharai de Víctimas de Graves Violaciones de Derechos Humanos cometidas por el Estado Marroquí (ASVDH), Casa de las Mujeres de El Aaiún.

Hauek dira urte hauetan Euskadiko Babes Sarea osatu duten erakundeak eta gizarte-mugimenduak: SEADen Lagunen Elkarteak – Euskadi, Emigradxs sin fronteras Elkarteak, Paz con Dignidad Elkarteak, Gehitu, Joxemi Zumalabe Fundazioa, Mundubat, Mugarik Gabe eta Oxfam Intermon.

---

4 Paz con Dignidad, Mugarik Gabe, Mundubat, Posada de los Abrazos, Colectivo Bachué eta CEAR-Euskadi.

Itzuli<sup>5</sup> eta gero, babestutako pertsonen eta euren erakunde eta gizataldeei egiten zaizkien jarraipenaren barruan, Programa honek 8 bisita egin ditu tokian-tokira: Kolonbiara (2012, 2014, 2015, 2016, 2018), Guatemalara (2015), Perura (2016) eta Hondurasera (2017).

Urte hauetan egindako babes-lanari esker ikasitakoarekin eta egindako gogoetekin agerian geratu dira zenbait premia:

-Euskadiko erakunde sozialekin sakontzea lankidetzan aritzen diren erakunde eta kolektiboek dituzten babes-premien inguruan, haien beharrezanetara gero eta gehiago egokituko diren tresnak eskaini eta aurre egin beharreko arriskuak gutxitze aldera.

-Euskadiko elkarte-sarea indartzea babes gaietan.

-Euskadiko programa sistematizatu eta ondorioak, ikasketak eta gomendioak atera tresna hau indartzen jarraitu ahal izateko. Horretarako, agerian utzi nahi ditugu arriskua gutxitzeko lagungarri diren Programaren gakoak, defendatzaileek jatorrizko herrialdeetan jarrai dezaten lanean. Hori guztia, begirada feminista batetik eta ikuspegi psikosozial eta giza eskubideen ikuspegitik abiatuta.

Horrela bada, esperientziak, ikasketak eta erronkak partekatzeke interesean oinarrituta jaio da, Garapenerako Lankidetzaren Euskal Agentziaren babesarekin, "Defendatzaileak babesten" ekimena. Esteka honetan daude proiektuaren barruan egin diren ikerketak eta tresna desberdinak: <https://defensoras.cear-euskadi.org/>

Ibilbide horri esker metatutako esperientziak jardunbide onen eredu bihurtu du Euskadiko Babes Programa, Espainian eta Europan martxan jarri diren beste ekimen batzuetarako eredu izan dena, hain zuzen.

# Euskadiko Babes Programa

---

## Helburua

Euskal programaren helburua da jaioterrian gauzatzen duten jarduera dela-eta beren bizitza edo osotasun fisikoa arriskuan duten giza eskubideen defendatzaileak babestea, Euskadin sei hilabeterako hartuta.

ANSUR Kolektiboaren<sup>6</sup> arabera, BABES gisa zera ulertzen da: giza eskubideen defendatzaileek, erakundeek eta instituzioek bizitzeko eta lan egiteko eremu seguruak sortzeko eta hedatzeko gauzatzen dituzten ekintzen multzoa. Ildo horretan, babesak osotasun fisiko, emozional eta kolektiboaren aurkako mehatxuei aurre egiteko hainbat estrategia eta ekintza hartzen ditu barruan.

Beraz, uste dugu babesak, mehatxurik ez izateaz gain, pertsonen, komunitateen eta kolektiboen ongizatea ere –alderdi guztiei erreparatuta– hartzen duela bere baitan.

Babesean adituak diren erakundeek hiru estrategia mota nabarmentzen dituzte:

•**Onarpen-estrategiak:** arriskuak gutxitzen dituzte erasotzaile potentzialen erakundearen lanarekiko tolerantzia lortzerakoan. Onarpen-maila areagotzeko modurik onenetarikoa da erakundearekiko onespene orokorra lortzea (komunitatearen baiezkotasun politikoa eta soziala). Hori lortzeko, harreman positiboak bide eman behar zaie, erakundea ezagutzera eman eta egile independente gisa zilegitasun-kuota handiagoak lortu.

•**Babes-estrategiak:** testuinguruaren eta arriskuaren azterketa oinarri hartuta, segurtasuna areagotu egiten da segurtasun-neurriak eta prozedura operatiboak identifikatu eta martxan jartzean, hala nola, jardute-protokoloak, laguntza psikosoziala kolektiboko kideei, autobabeserako neurriak, informazioa eta komunikazioa modu seguruan erabili.

•**Disuasio-estrategiak:** arriskua gutxitzen dute eustea edo mehatxua ekiditea lortzen baitute, hain zuzen erasoaren koste politikoa areagotzeko dituzten eragin-ekintzen bitartez: salaketa-kanpainak,

---

5 Tokian-tokira egindako bisitei buruzko informazio gehiago, "Prozedura. Jarraipena".


6 ANSUR Kolektiboa(2014).

---

presioa egiteko aliantzak sortu edo indartzea (naziokoak eta nazioartekoak), agintariekin elkarriketa, besteak beste.

Berehala sor daitekeen arrisku-egoeren aurrean, erasoei eta mehatxuei erantzuteko erreakzio gisa ulertu da babes, tradizioz. Azken urteotan, ordea, ikuspegi hori berrikusi beharraz jabetuta, gauzatzen ari diren estrategien eraginkortasuna aztertuta eta egoera zehatz bakoitzaren konplexutasuna eta aniztasunak kontuan hartuta, ikuspegi integralago bat erabiltzen da, 4 dimentsio edo alderdi dituena, hain zuzen: antolaketa, harremanak, alderdi psikosoziala eta segurtasuna.

Alderdi horiek lau hankako<sup>7</sup> mahai baten bitartez daude irudikatuta. Horietako bat moztuz gero, adibidez, mahai osoa kulunkatu egingo da.



•**Antolaketaren ingurukoak.** Segurtasun instituzionala areagotzeko balio duten erakundearen barne-elementuak edo funtzionatzeko elementuak. Esaterako, barne-espazioak izatea gai hauetan sentsibilizatzeko eta prestakuntza emateko: “inor babestu ahal izateko norbera babestea”-ren garrantzia, erabakiak hartzea babesaren kudeaketan, funtzionamendu- eta antolamendu-alderdiei buruzko printzipioak eta moduak, segurtasun-gorabeheretan testuinguru-, arrisku- eta sistematizazio-analisiak egiteko metodologia, komunikazio-estrategia aldizka berrikustea eta lidergo kolektiboak sustatzea.

•**Harremanak.** Multzo honetan biltzen dira nazio barruan zein nazioartean erakundeak dituen sareak, aliantzak eta koordinazio-espazioak, horien berrikuspena eta horiek areagotzeko eta mantentzeko mekanismoak. Eragin-tresna gisa, agintariekiko harremana ere hartuko da kontuan, baita hori gauzatzeko modua eta lortzen diren emaitzak ere.

•**Segurtasun-neurriak.** Segurtasuna handiagoa izatea lortzen duten eguneroko praktikak, prebenitzeko edo erreakzionatzeko jardunbideetan pentsarazteko balio dutenak. Hemen biltzen dira, halaber, norberak hartu beharreko neurriak, informazioaren erabilera egokia, egoera desberdinetan jarduteko protokoloak, larrialdietako planak, bulegoetako segurtasunari buruzko akordioak, bulegoetako bisiten inguruko akordioak.

•**Alderdi psikosozialak.** Erakundeko kideen eta lankide diren pertsonen ongizatea bermatzeko egiten den guztia biltzen ba hemen. Adibidez, indarkeriaren eraginari aurre egiteko moduak, biktimekiko eta herritar zaurgarriekiko harremana, emozioak adierazteko barne-mekanismoak, beldurraren kudeaketa, testuinguruaren eta estresaren ondoriozko nekearen prebentzioa, larrialdi baten ondorengo prebentziozko eta erreakziozko laguntza-estrategiak.

## Giza eskubideen defendatzaileak

Giza Eskubideen aldeko Nazio Batuen Goi Komisarioaren Bulegoari jarraikiz, giza eskubideen defendatzaileak dira indibidualki nahiz besteekin batera giza eskubideak sustatzeko edo babesteko ahaleginak egiten dituzten pertsonak. Termino zabala da, eta barne hartzen ditu giza eskubideen urraketa oro desagerrarazten laguntzen eta eskubideon benetako baliatzea sustatzen dituzten horiek ere, direla banakoak, direla kolektiboak.

---

7 Ídem.



Giza eskubideen defentsa eta sustapena berez da eskubidea, Giza Eskubideen Defendatzaileei buruzko Adierazpenak<sup>8</sup> 1. artikuluan ezarritakoaren arabera: *“Pertsona orok du, banaka edo taldeka, herrialdean eta nazioartean giza eskubideen eta oinarrizko askatasunen gauzatzea eta babesa lortzen saiatu eta bultzatzeko eskubidea”*.

Esparru horretan, Euskadiko Babes Programak hauek jotzen ditu giza eskubideen defendatzailetzat: eskubide politiko, zibil, ekonomiko, sozial eta kultural, nahiz ingurumen-, sexu- eta ugaltze-eskubideen defentsan diharduten antolakunde edo mugimendu sozialei lotutako pertsonak.

Lehentasuna emango zaie giza eskubideen defendatzaileen egoeraren inguruan Nazio Batuen Erreloretza Bereziak finkatutako kolektiboek:

**•Antolakunde feministen kide diren emakumeak eta LGTTBI<sup>9</sup> pertsonen eskubideen defentsan diharduten pertsonak.**

Emakumeen Giza Eskubideen Defendatzaileen Nazioarteko Koalizioak honela adierazi zuen, duela hamarkada bat baino gehiago, emakumezko defendatzaileak<sup>10</sup> aitortzearen beharra: *“Giza eskubideen emakumezko defendatzaileen kategorian daude, batetik, giza eskubideen defentsan diharduten emakume aktibistak, emakume diren aldetik; eta, bestetik, emakumeen eskubideen defentsan jarduteagatik erasoak jasotzen dituzten emakumeak. Aktibista lesbianek, gayek, bisexualak eta transgeneroek giza eskubideen aldeko borroka askotan parte hartzen dute, eskubide sexualen aldarrikapena barne. Kaltebera bihurtzen dira direna direlako eta egiten dutena egiten dutelako, batez ere euren lana zuzenean sexualitatearekin lotuta badago”*. Alabaina, generoa pertsonen espazio pribatuari dagokion alderdi gisa hartzen duten botere-harremanen legitimazio patriarkalak eta heteronormatiboak egin duena izan da giza eskubideak defendatzen dituzten emakumeen eta LGTTBI pertsonen aurkako indarkeriazko praktikak ikusezin bihurtu edota txikiagotu.

**•Eskubide ekonomiko, sozial, kultural eta ingurumen-eskubideen defentsan diharduten pertsonak; batez ere, lur- eta lurralde-eskubidea aldarrikatzen dutenak, populazio indigenak eta afrikarren ondorengoak.**

Front Line Defenders-en<sup>11</sup> arabera, 2017an hil zituzten defendatzaileen %67, lurra, herri indigenen eskubideak eta ingurumena defendatzen ziharduen; eta kasu gehienetan, megaproiektu, erazte-industria eta enpresa handien jardura testuinguruetan.

**•Gutxitutako kolektiboek eskubideen alde diharduten pertsonak.**

## Parte hartuko duten eragileak

Eusko Jaurlaritzako Giza Eskubide, Biktima eta Aniztasun Zuzendaritza ari da Euskadiko Babes Programa zuzentzen, CEAR-Euskadi ari da kudeaketa lanetan, eta Garapenerako Lankidetzaren Euskal Agentziaren babesa du. Honako hauek hartzen dute parte, Hautaketa Batzordearen kide diren heinean: Eusko Jaurlaritzaren Kanpoko Ekintza Zuzendaritzak, Hegoa Institutuak (Euskal Herriko Unibertsitatea), Pedro Arrupe Giza Eskubideen Institutuak (Deustuko Unibertsitatea), Euskal Autonomia Erkidegoko GGKEen Koordinakundeak eta Giza Eskubideen eta Bake Hezkuntzaren Elkartearen Foroak. Urtero, hautagaitzak aurkezten dituzten euskal antolakundeek Babes Sarea eratzen dute. Azkenik, ANSUR kolektiboak ere hartzen du parte, babesari eta segurtasunari buruzko kontuen inguruan aholkatzen.

---

8 Gizabanakoek, taldeek eta erakundeek mundu osoan onartutako giza eskubideak eta oinarrizko askatasunak bultzatu eta babesteko dituzten eskubideari eta betebeharrari buruzko adierazpena. Nazio Batuen Asanblada Orokorra 53/144 Ebazpenaren onartua.

9 Lesbiana, Gay, Transexual, Transgenero, Bisexual eta Intersexualak.

10 Barcia, Inmaculada; eta Penchaszadeh, Analia (2012).

11 Front Line Defenders (2017).

---

# Prozedura

---

## Hautagaitzak aurkeztea

Programak hiru pertsona hartzen ditu Euskadin, urtero, sei hilabetez. Eusko Jaurlaritzaren Giza Eskubide, Biktima eta Aniztasun Zuzendaritzak deialdi ofiziala argitaratzen duen unetik hilabeteke epea zabaltzen da hautagaitzak aurkezteko.

Beste herrialde eta eskualde batzuekin elkartzunean lan egiten duten Euskadiko antolakunde nahiz mugimendu sozialen bitartez aurkezten dira hautagaitzak; izan ere, haien laguntzen dituzte hautagaien parte hartzen duten giza eskubideen defentsarako prozesuak, eta, beraz, testuingurua ezagutzen eta bertan diharduten instituzio, erakunde eta elkartzasun-sareen irispidean daude.

Euskadiko Programak **prebentzio-izaera** du, eta horren arabera finkatzen da bere funtzionamendu eta agenda. Babesa jasotzen duten pertsonen, giza eskubideen aldeko lanagatik jazarpena eta mehatxuak pairatzen dituzten arren, egoera arriskutsua izanik ere, ez daude herrialdea presaka eta berehala utzi beharrean.

CEAR-Euskadik hautagaitzak jaso, eta Eusko Jaurlaritzaren Giza Eskubide, Biktima eta Aniztasun Zuzendaritzari bidaltzen dizkio.

## Hautaketa

Giza Eskubide, Biktima eta Aniztasun Zuzendaritzak deitzen du Hautaketa Batzordea, eta, batzordekideek egoki deritzen txostenak eskatu ahal izango dizkiete hautagaitzak proposatzen dituzten euskal erakundeak, arrisku-egoerak eta horien zergatiak egiaztatzeko, datuen konfidentzialtasuna eta hautagaiaren eta bere kolektiboaren segurtasuna bermatuta.

Batzordeak adostasunez erabakiko du zer hiru pertsona hartu babespean; horretarako, formulario<sup>12</sup>, bidalitako dokumentazioa eta arrisku- eta genero-irizpideak hartuko ditu oinarri gisa. Irizpide horiekin bermatu nahi dena da Programak balioko duela babestutako pertsonen eta haien kolektiboaren edo komunitateen aurkako erasoak eta indarkeria ekintzak gerta ez daitezen, baita emakume defendatzaileek babes-tresna honetara irits daitezen ere.

Hautagaitza bat aukeratzeko denean, hura proposatu duen euskal erakundea Babes Sarearen parte izatera igaroko da. Erakunde horrek eratu du, orobat, Programaren koordinazioaren (CEAR-Euskadi) eta jatorrian dagoen erakundearen arteko komunikazio kanala.

## Jatorri herrialdeetik irteera

Jatorriko herrialdean dauden erakundeak, Babes Sareak eta Programaren koordinatzaileak (CEAR-Euskadi) elkarrekin antolatzen dute hartuko diren pertsonen irteera (bidaia prestatzea, dokumentazioa kudeatzea, itxaropenak zehaztea) eta Euskadin egingo zaien harrera.

## Harrera

Programa ikuspegi feminista eta psikosozialetik garatzen da, eragin politikoa, zaintza eta erakundearen indartzea bideratze aldera.

• **Laguntza psikosoziala:** Programa babesaren ikuspegi integraletik garatzen da, eta hainbat kontu sartzen dira hor barruan: alderdi personalak, antolakuntzari buruzkoak eta politikoak; indarkeria politikoaren eraginez arreta berezia behar duten pertsonen laguntza psikoterapeutikoa; eta babespean hartutako pertsonen zaintza, herrialdeetik aldi batez ateratzeko esperientzia lantzeari dagokionez.

---

12 Ikus erankina.

•**Agenda politikoa:** Hau da Euskal Autonomia Erkidegoko egonaldian egindako lanaren helburua: pertsona horiek eta haien erakundeak instituzionalki eta politikoki babesteko nazioarteko sareak zabaltea eta indartzea. Praktikan, sare horiek babes-mekanismo bezala jarduten dute; hala, jendeak modua du lurraldean giza eskubideak babesten jarraitzeko. Lan horrek balio du Euskadiko –eta kasuan-kasuan, Espainiako eta Europako– herritarrak sentikor bihurtzeko eta haien aurrean agerian uzteko eta salatzen zer mehatxu-egoera pairatzen duten giza eskubideen defentsan diharduten erakundeek, eta zer aldarrikapen dituzten ildo horretan.

•**Prestakuntza-agenda:** Haien kezka eta interesak zein diren ikusita, asmoa da prestakuntza espezializatua ematea giza eskubideen defentsaz eta sustapenez. Programaren babespeko pertsonen lan-ibilbide aintzatesia dutenez, akademia munduaren eta gizartearen hainbat esparrutan ere parte hartuko dute, hizlari gisa.

## Itzulera

Programa barruko une garrantzitsuenetakoa da, bereziki, babestutako pertsonen segurtasunari dagokionez. Testuinguruaren azterketa eta arriskuaren diagnostikoa egin behar dira, jatorrizko lurraldeetara itzultzeko babes-estrategiak eta ekintza-planak zehazteko. Hori guztia, kontuan hartuta zer indargune eta ahulgune dituzten erakundeek eta zer Babes- eta Laguntza-Sare dituzten babestutako pertsonen, baita haiek Euskadin egon bitartean sortu edo indartu diren ere.

## Jarraipena

Itzuli ostean, Programak eta Euskadin egon bitartean sortu den Babes- eta Laguntza-Sareak, babestutako pertsonaren eta haren erakunde, kolektibo edo komunitatearen jarraipena egiten dute.

Ekintza nagusien artean hauek nabarmenduko ditugu: **jakinarazpen publikoak, gutunak edo komunikazio pribatuak erakunde publiko edo nazioarteko erakunde desberdinekin**, itzuli ostean, babestutako pertsonen bizitza edo segurtasun fisikoa edo psikologia eta haien erakundeena arriskuan jar dezaketen egoeren inguruan; eta Euskadiko ordezkariak baten bisita tokian-tokira.

Erakundeek, mugimendu sozialek eta kolektiboek antolatuta jardunez gero, hainbat modutara erantzun daitezke, jardun-eremu desberdinetatik, eta babesa sortu horrela, arrisku- edo mehatxu-egoeren aurrean.

**Tokian-tokira egindako bisitarekin** Programan hartutako pertsonen eta komunitatearen egoeraren jarraipena egiten da, haien babes sarea sendotu eta Jaurlaritzaren, erakundearen eta Legebiltzarraren laguntza agerian jartzen da. **Euskal ordezkarietan**, Eusko Jaurlaritzaren Giza Eskubide, Biktima eta Aniztasun Zuzendaritza buru delarik, honako hauek partzen dute: Garapenerako Lankidetzaren Euskal Agentziak, Eusko Jaurlaritzaren Kanpok Ekintza Zuzendaritzak, Eusko Legebiltzarreko Giza Eskubideen Batzordeak, programan hartutako pertsonak aurkeztu dituzten euskal erakunde edo mugimendu sozialek, eta CEAR-Euskadik. Bisitan zehar, hainbat bilera egiten dira giza eskubideen erakundeekin, kolektibo eta komunitateekin, instituzio publikoekin, nazioarteko organismoekin eta misio diplomatikoekin, programan hartutako pertsonen eta haien erakundearen eta mugimenduen inguruko segurtasunarekin lotutako kezka helarazteko. Eduki aipagarrienak txosten batean sartzen dira: bertan jasotzen dira euskal ordezkariaren azterketa, balorazioak, kezka bereziak eta gomendioak. Txostena jatorriko herrialdeko giza eskubideen erakundeek, instituzio publikoek eta nazioarteko erakundeek helarazten zaie, bai eta, kasuan-kasuan, Euskadikoei eta Espainiako Estatukoari ere.

Euskadiko Babes Programak hainbat herrialdeko pertsonak hartzen ditu berean; beraz, urtero, arriskuaren, babesaren (disuasio-gaitasuna) eta koiunturaren irizpideei eta kudeaketarekiko koherentiaren irizpideei erreparatu diseinatzen da bisita.

Jarraipen-ordezkaritzen txostenak deskargatzeko: <http://cear-euskadi.org/?p=388> eta <http://www.euskadi.eus/defensores-y-defensoras-de-los-derechos-humanos/web01-s1lehbak/es/>

---

# Ikasitakoak eta erronkak

---

Euskadiko Babes Programa tresna bizia da, eta etengabe berraztertzen da. Instituzioen, erakundeen nahiz komunitatearen esparruko ahots ugariak taxututako programa da: dela Euskadin, dela beste herrialde eta eskualde batzuetan, babeserako eta elkartasunerako tresna hau taxutuz joan da.

Eraikitze kolektibo horri esker, jardunbide egokien eredu da gaur egun, eta erreferentzia izan da Espainiako eta Europako beste babes-programa eta -tresna batzuk martxan jartzeko; instituzioetako eta antolaketako eragile desberdinen aintzatespena dauka Euskadin, Espainian eta Europan; eta tokian-tokira egindako bisitei eta politikan eta babes-alorrean egindako eragite-lanari esker, programan hartutako pertsona defendatzaileen jatorrizko herrialde batzuetako instituzio publikoekin solaskidetzeta dauka.

Izan ere, erantzukizun-ariketa eta erronka etengabekoa da giza eskubideen defendatzaileen babesa. Arrisku-egoeran dauden giza eskubideen alde diharduten pertsona eta erakundeekin eta babesaren alorrean diharduten erakundeekin eratutako loturari esker, eta gai honen inguruan<sup>13</sup> CEAR-Euskadik egindako ikerketen ondorioz, ikasitakoak eta aurrean ditugun erronka batzuk adieraz ditzakegu.

## Ikasitakoak

•**Babesaren ikuspegi integrala:** Babesaren gaia jorrazteko ezinbestekoa da ikuspegi integral batetik abiatzea, aipatutako lau elementuak barne hartuko dituen ikuspegitik: antolaketa, harremanak, segurtasun-neurriak eta laguntza psikosoziala.

•**Ikuspegi feminista:** Zuzeneko indarkeriek eta errepresio politikoak eta etengabeko jazarpen-eta mehatxu-egoeran bizi izateak sorrarazten dituen estresak, segurtasun ezak eta beldurren somatizazioak biziki kaltetu dute defendatzaileen gorputzak. Lan egiterakoan zaintzea eta gorputzari jaramon egitea ezinbestekoak dira. Eredu pertsonala politikoa da, funtsezkoa ongizaterako eta babeserako “Zaindu egiten naiz; izan ere, ni ondo banago, indartu egiten baitut nire borroka, nire prozesua”.

•**Sarean lan egitea:** Gaitasun eta jardun-eremu desberdinak eta osagarriak dituzten eragile desberdinak (erakundeak, gizarte zibila) antolatuta jardunez gero, areagotu eta sendotu egiten dira defendatzaileei eta haien erakundeek laguntzeko babes-sareak.

Programan hartutako defendatzaileek Euskadin dauden bitartean sorrarazten eta indartzen dituzten sareez gain, Espainiako Estatuan garatutako babes-programekin artikulatzen da Euskadiko programa, modu egonkor eta finkatuan, baita Protect Defenders-ekin ere, hau da, giza eskubideen alorrean diharduten 12 GKEz osatutako partzuergo batek gidatzen duen Europar Batasunaren babes-mekanismoa.

Eta 2015a geroztik, Giza eskubideen defendatzaileak aldi batez birkokatze Plataforma Orokorren parte da. Europako Batzordearen ekimena da hori, giza eskubideen defendatzaileei buruzko Europar Batasunaren Zuzentarauak<sup>14</sup> betetzeko. Babes-premia desberdinei erantzun koordinatua ematea helburu duten unibertsitateak, gobernuz kanpoko erakundeak, hiriak, udalerrak eta gobernuek parte hartzen dute ekimen horretan.

---

<sup>13</sup> INCYDE, CEAR-Euskadi: Sistematización Programa Vasco de Protección Temporal para Defensoras y Defensores de Derechos Humanos. Bilbao, 2018 / CEAR-Euskadi: PROTEGER A QUIEN DEFIENDE. Diagnóstico sobre necesidades de protección de personas defensoras de derechos humanos. Bilbao, 2018.

<sup>14</sup> Europar Batasunaren gidalerroak Giza Eskubideen Defendatzaileei buruz, 2004ko ekainaren 14a. 2008an berrikusiak: EBko estatu kideek betekizundute "beste herrialde batzuetan arriskupean dauden giza eskubideen defendatzaileak laguntzeko eta babesteko neurri azkarrak aurreikustea: adibidez, egoki deritzenez premiazko bisak emanda eta Europar Batasuneko estatuaren aldi baterako harreraren alde eginik".

## Erronkak

•**Erakundeak jatorrizko herrialdeetan indartzea:** Babes- eta birkokatze-programekin batera, beti gauzatuko dira erakundeak eta gizarte mugimenduak jatorrizko herrialdeetan indartzeko estrategiak. Hori da babeserako lehendabiziko mekanismoa.

•**Giza eskubideen defentsaren eta babesaren ikuspegi kolektiboa:** Defendatzaileen babes-premiekin haien familiak, kolektiboak eta komunitateak barne hartzen dituzte. Mehatxuak eta erasoak modu askotakoak dira eta arrazoiak hainbat, baina helburua giza eskubideen defentsa oztokatzea da, eta gizarte-sarea apurtzea, beldurra eta mesfidantza sortuz. Horrela, nahiz eta erasoak indibidualak izan, erakundeari min egitea da bilatu ohi dena.

lido horretatik, Programa honek banakoa denaren eta kolektiboa denaren arteko elkarrikeria ezartzen du. Harrera banaka egiten zaie, hain zuzen erakundeetan eta gizarte mugimenduetan antolatuta dauden pertsoneri.

•**Kriminalizazio-estrategia orokorrak:** Orokorrean, kriminalizazio-estrategiak dira gaur egun defendatzaileek eta kolektiboek aurre egin behar dien indarkeria-mota nagusiak: estigmatizazio publikoa hedabideak edo diskurtso politikoak baliatuz, edota haien aurkako prozesu judizialak abiaraztea.

Estrategia horren atzean dagoena da pertsona jakin batzuk interes propioak defendatu nahi dituztela:

•**Ekonomikoak:** lursail batera sartu ahal izatea enpresa batek ustiatu ahal izateko lursail hori, edota droga-, arma- edo pertsona-trafikorako korridoreak babestea.

•**Politikoak:** aurkari politikotzat jotzen diren pertsonak desagerraraztea.

•**Juridikoak:** egia argitzen ez uztea.

•**Giza eskubideen aldeko lana publikoki legitimatzeko narrazioak:** Giza eskubideen pertsona defendatzaileak eta kolektiboak, besteak beste “subertsibo”, “garapenaren etsai” edo “gaizkile” gisa aurkezten dituzten kriminalizazio-estrategia orokorreari erantzuteko, ezinbestekoa da kontranarrazioak sortzea, nazioarteko komunitateak publikoki legitimatu dezan haien lana, guztion onurarako eta mundu bidezkoago eta iraunkorrago bat eraikitzeko nahitaezkoa baita lan hori.

•**Baliabide ekonomikoak eta materialak:** Giza eskubideen defendatzaileek, haien erakundeek eta gertukoek (familiak eta kargura dituzten pertsonak) baliabide ekonomikoak eta materialak behar dituzte miseriarik gabeko bizitza bermatzeko. Segurtasun arrazoiengatik nahitaez egin behar dituzten etengabeko joan-etorriek pobretzea dakarte, bizirauteko aukerak desagituratu egiten baitira. Horrez gain, etorkizunarekiko ziurgabetasuna bizirik dago prozesu osoan.

Gero eta sarriago ematen diren kriminalizazio eta judizializazio kasuetan, ezinbestekoa da babes ekonomikoa, epaitegietara lagundu eta laguntza psikosoziala ematen jarraitzeko.

---

Informazio gehiago jasotzeko, honako hauekin jar zaitezke harremanetan:

•Eusko Jaurlaritza. Giza Eskubide, Biktima eta Aniztasun Zuzendaritza:

derechos-humanos@euskadi.eus

Telefono-zenbakia: (0034) 945 016628

•CEAR-Euskadi:

programa.proteccion@cear-euskadi.org

Telefono-zenbakia: (0034) 94 424 8844

---



---

Giza Eskubideen Defendatzaileak  
aldi batez Euskal Autonomia  
Erkidegoan Babesteko  
Programarako hautagaitzak  
aurkezteko eskabidea

---

---

# Giza Eskubideen Defendatzaileak aldi batez Euskal Autonomia Erkidegoan Babesteko Programarako hautagaitzak aurkezteko eskabidea

Posta elektronikoz bidali hautagaitzak, helbide honetara: [programa.proteccion@cear-euskadi.org](mailto:programa.proteccion@cear-euskadi.org)

Informazio gehiago eman nahi bada, erantsitako dokumentazioa aurkez daiteke. Formularioa betetzean zalantzak badituzue, CEAR-Euskadirekin harremanetan jar zaitezke (helbide elektronikoa: [programa.proteccion@cear-euskadi.org](mailto:programa.proteccion@cear-euskadi.org); telefono-zenbakia: 0034 944248844).

## 1. ERAKUNDE ESKATZAILEA (Euskadiko antolakundea)

### 1.1. Erakunde eskatzailearen datuak

Erakundearen izena		Erakundearen IFZ/IFK
Erakundeak jakinarazpenetarako duen helbidea		
Udalerrria		PK
Legezko ordezkariaren izena		Legezko ordezkariaren izena
Erakundearen izaera juridikoa <input type="checkbox"/> Elkartea <input type="checkbox"/> Fundazioa <input type="checkbox"/> Beste batzuk (zehaztu)		
Teléfono	Fax	Correo electrónico (a efectos de comunicación)
Web helbidea		

Sinatzen duenak **egiaztatzen** du erakunde esleitzzaileak betetzen dituela deialdi honetan hautagaitzak aurkezteko baldintzak. Hori dela-eta **ziurtatzen** du ezen inprimaki honetan eta erantsitako dokumentazioan dauden datuak egiazkoak direla.

Erakunde eskatzailearen  
legezko ordezkariaren sinadura:

Erakundearen zigilua:

Lekua eta data:



## 1.2. Erantsi honako dokumentazio administratibo hau

Erakundeak Autonomia Erkidegoko Bazkunen Errolda Nagusian izena eman duela egiaztatzeko fotokopia.

Erakunde eskatzaileak erakundea dela-eta duen legezko ordezkartzaren egiaztapenaren fotokopia.

*Oharra: aurreko deialdietan hautagaitzak aurkeztu badira, ez da beharrezkoa lehen bi atal hauei buruzko dokumentazioa eranstea.*

Erakunde eskatzailearen konpromiso-akta (3. eranskina bete).

## 1.3. Erakunde eskatzailearen lan-ildo orokorrak

(Oharra: informazio hori ematen duen jarduera-memoria bat aurkezten bada, ez da beharrezkoa eremu hau betetzea)

---

---

---

---

---

## 1.4. Hautagaiak bere jaioterrian egindako lanaren inguruko memoria labur bat

(Oharra: informazio hori ematen duen jarduera-memoria bat aurkezten bada, ez da beharrezkoa eremu hau betetzea)

---

---

---

---

---

## 1.5. Hautagaia kide den erakundea/mugimendua laguntzeko eta babesteko egindako lanaren memoria labur bat

(Oharra: informazio hori ematen duen jarduera-memoria bat aurkezten bada, ez da beharrezkoa eremu hau betetzea)

---

---

---

---

---

## 1.6. Bakea bultzatzeko eta giza eskubideak babestu eta sustatzeko tokiko, nazioko nahiz nazioarteko sare bateko kide izatea

Sarearen izena	Urtea	Tokikoa	Nazionala	Nazioartekoa
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>

---

## 2. DEFENDATZAILEAREN ERAKUNDEARI BURUZKO DATUAK (jaioterriko erakundea):

### 2.1. Erakundearen datuak

---

Erakundearen izena

---

Udalerrria

País

---

Legezko ordezkariaren izena

---

Telefono-zenbakia

Faxa

Posta elektronikoa  
(jakinarazpenetarako)

---

Web helbidea

---

### 2.2. Erantsi honako dokumentazio administratibo hau

- Defendatzailearen erakundearen berme-gutuna (1. eranskina bete).
- Defendatzailearen erakundearen konpromiso-akta (2. eranskina bete)

### 2.3. Hautagaia kide den erakundea/mugimenduaren lanaren memoria laburra (jaioterriko herrialdean edo komunitatean egindako lana barne)

(Oharra: informazio hori ematen duen jarduera-memoria bat aurkezten bada, ez da beharrezkoa eremu hau betetzea).

---

---

---

---

---

### 2.4. Bakea bultzatzeko eta giza eskubideak babestu eta sustatzeko tokiko, nazioko nahiz nazioarteko sareetara lotura

Sarearen izena	Urtea	Tokikoa	Nazionala	Nazioartekoa
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>
		<input type="checkbox"/>	<input type="checkbox"/>	<input type="checkbox"/>

### 3. DEFENDATZAILEARI BURUZKO DATUAK

#### 3.1 Datu pertsonalak

Izen-deiturak	
Identifikazio-agiri nazionala edo, hala badagokio, pasaportearen iraupen-erregistro-erregistroa.	Harremanetarako datuak (jakinarazpenetarako): Helbidea: Telefono-zenbakia: Harremanetarako pertsona:
Jaiotze-data:	Sexua:

#### 3.2. Hautagaia aldi baterako erbesteratuz babestea beharrezkoa dela pentsatzeko arrazoiak

---

---

---

---

#### 3.3. Hautagaiaren prestakuntza akademikoa edo ibilbidea

(Oharra: CVa erantsen bada, ez da beharrezkoa eremu hau betetzea)

---

---

---

---

#### 3.4. Programak defendatzailearentzat eta haren antolakunde/kolektiboarentzat izango duen erabilgarritasunaren aurreikuspena: Euskadin politikaren eta prestakuntzaren alorrean eraman lezakeen agenda

---

---

---

---

#### 3.5. Defendatzaileari buruz ezagutu behar den beste konturen bat

(Egonaldian eragina izan dezakeelako: adibidez, osasuna)

---

---

---

---

*Datu Pertsonalak babesteari buruzko 15/1999 Lege Organikoan xedatutakoa betez, jakinarazten zaizu inprimaki honen bidez eskuratutako zure datu pertsonalak datuak tratatzeko fitxategi automatizatu batean sartuko ditugula, Eusko Jaurlaritzaren Giza Eskubide, Biktimia eta Aniztasun Zuzendaritzan. Lege horretan jasotzen den moduan, datuok ikusi, zuzendu edo ezabatzeke nahiz aurka egiteko aukera duzu; horretarako, helbide honetara jo behar duzu: Eusko Jaurlaritzaren Giza Eskubide, Biktimia eta Aniztasun Zuzendaritza.*

---

## 1. ERANSKINA

### Defendatzailearen erakundearen berme-gutuna

Defendatzailearen erakundearen gutun bat, honako eduki hauek izango dituena:

- Antolakundearen izena.
- Aurkezten eta bermatzen duten defendatzailearen izena.
- Antolakundeko defendatzailearen kargua eta erantzukizuna.
- Lekua eta data.
- Antolakundeko arduradunaren sinadura.
- Erakundearen zigilua.

## 2. ERANSKINA

### Defendatzailearen jaioterriko erakundearen konpromiso-akta

\_\_\_\_\_, Erakundeak, Giza Eskubideen Defendatzaileak aldi batez Euskal Autonomia Erkidegoan Babesteko Programaren eta haren ondorioen jakitun delarik,

GIZA ESKUBIDEEN DEFENDATZAILEAK ALDI BATEZ EUSKAL AUTONOMIA ERKIDEGOAN BABESTEKO PROGRAMAREN AURREAN HITZEMATEN DU HONAKO HAUEK EGINGO DITUELA:

1. Defendatzaileari Programaren helburuen eta hartutako konpromisoen berri emango diola.
2. Euskadiko antolakundearekin etengabeko eta trabagabeko komunikazioa izango duela.
3. Defendatzailearen erbesteratzea kudeatuko duela, Euskadiko antolakundearekin eta Programaren koordinatzaileekin koordinatuta.
4. Herrialdetik ateratzeko kudeaketatik eratorritako gastuak justifikatzeko beharrezko diren administrazio-eginkizunak beteko dituela (adb.: bisak izapidetzea), Euskadiko antolakundearekin koordinatuta.
5. Defendatzailea herrialdetik ateratzeko jakin beharreko edozein aldaketa jakinaraziko dizkiola Euskadiko antolakundeari.
6. Defendatzailearekin adostu duela zer profil publiko den egokiena eta komenigarriena Euskadin egon bitartean.
7. Programaren koordinatzaileen gomendioei kasu egingo diela, eta komunikazio etengabea izango duela haiekin.
8. Defendatzailea programan sartzera eraman duen jatorri-egoeraren (testuinguruaren) jarraipena egingo duela, eta Euskadiko erakundeari jakinaraziko diola.
9. Aktiboki lagunduko duela arrisku-diagnostikoa eta ekintza-planen diseinua egiten, Euskadiko antolakundearekin eta Programaren koordinatzaileekin koordinatuta.
10. Euskadiko antolakundearekin komunikazio etengabea izango duela, defendatzailearen itzulera osteko egoera pertsonalaren eta antolatze-egoeraren jarraipena egiteko.

Konpromiso hauek onartzen ditut.

Sinadura:

### 3. ERANSKINA

## Euskadiko erakunde eskatzailearen konpromiso-akta

\_\_\_\_\_, erakundeak, Giza Eskubideen Defendatzaileak aldi batez Euskal Autonomia Erkidegoan Babesteko Programaren eta beraren ondorioen jakitun delarik,

GIZA ESKUBIDEEN DEFENDATZAILEAK ALDI BATEZ EUSKAL AUTONOMIA ERKIDEGOAN BABESTEKO PROGRAMAREN AURREAN HITZEMATEN DU HONAKO HAUEK EGINGO DITUELA:

1. Defendatzailearen antolakundeari Programaren helburuen eta hartutako konpromisoen berri emango diola.
2. Hartutako pertsonekin, Babes Sarearekin eta Programaren koordinazioarekin begirunezko eta arretazko jokabidea izango duela.
3. Jatorriko erakundearekin etengabeko eta trabagabeko komunikazioa izango duela.
4. Defendatzailearen erbesteratzea kudeatuko duela, jatorri-eskualdeko antolakundearekin eta Programaren koordinatzaileekin koordinatuta.
5. Herrialdetik ateratzeko kudeaketatik eratorritako gastuak justifikatzeko beharrezko diren administrazio-eginkizunak beteko dituela (adb.: bisak izapidetzea), jatorriko antolakundearekin koordinatuta.
6. Defendatzailearen agenda politikoa eta prestakuntza-agenda taxutzen lagunduko duela, aktiboki, jatorri-eskualdeko antolakundearekin eta Programaren koordinatzaileekin koordinatuta.
7. Agenda politikoak eta prestakuntza agendak ekarritako gastuak justifikatzeko behar diren administrazio-eginkizunak beteko dituela.
8. Defendatzailearen harrera eta itzulera prozesuetan parte hartuko duela, Programaren koordinatzaileekin batera.
9. Defendatzailearen harrera- eta itzulera-prozesuetan jatorriko egoerari (testuinguruari) egindako jarraipenaren berri emango diola Programaren koordinatzaileei.
10. Arrisku-diagnostikoa eta ekintza-planen diseinua egiten lagunduko duela, aktiboki lagundu ere, Euskadiko erakundearekin eta Programaren koordinatzaileekin koordinatuta.
11. Egoera soziopolitikoan gertatzen diren aldaketei buruz behar bezala informatuko duela, defendatzailearen itzulera eragina badute.
12. Jatorriko antolakundearekin komunikazio etengabea izango duela, defendatzailearen itzulera osteko egoera pertsonalaren eta antolatze-egoeraren jarraipena egiteko.

Konpromiso hauek onartzen ditut.

Sinadura:

---

## Programaren Koordinatzaileen betebeharrak (CEAR-Euskadi)

CEAR-Euskadik honako betebeharrak dituzte EAE-ko Babes Programaren erakunde koordinatzaile gisa:

1. Euskal antolakundeei Programaren helburuen eta irismenaren berri ematea, bai eta alderdiek hartutako konpromisoen berri ere.
2. Hartutako pertsonak eta Babes Sarea begirunez eta arretaz zaintzea.
3. Eusko Jaurlaritzaren Giza Eskubide, Biktimia eta Aniztasun Zuzendaritzarekin eta Programaren Hautaketa Batzordearekin elkarrizketa bideratzea.
4. Hartutako pertsonekin, Babes Sarearekin eta jatorriko erakundeekin etengabeko eta trabagabeko komunikazioa izatea.
5. Defendatzailearen erbesteratzea kudeatzea, Babes Sarearekin, jatorri-eskualdeko erakundearekin eta Eusko Jaurlaritzaren Giza Eskubide, Biktimia eta Aniztasun Zuzendaritzarekin koordinatuta.
6. Herrialdeetatik ateratzeko kudeaketatik eratorritako gastuak justifikatzeko beharrezko diren administrazio-eginkizunak koordinatzea (adb.: bisak izapidetzea), Babes Sarearekin lankidetzan.
7. Babespean hartutako defendatzaileei esleitutako harrera-pisua eta eskudirua kudeatzea.
8. Pisuko elkarbizitza eta, hala behar bada, banan-banako laguntza terapeutikoa kudeatzea.
9. Pertsonen babesari eta segurtasunari buruzko gaietarako laguntza kudeatzea, ANSUR kolektiboarekin, babestutako pertsonekin, Babes Sarearekin eta Eusko Jaurlaritzako Giza Eskubide, Biktimia eta Aniztasun Zuzendaritzarekin elkarlanean.
10. Defendatzaileen agenda politikoaren jarraipena egitea eta Programaren agenda instituzionala kudeatzea, babespean hartutako pertsonekin, Babes Sarearekin eta Eusko Jaurlaritzako Giza Eskubide, Biktimia eta Aniztasun Zuzendaritzarekin elkarlanean.
11. Defendatzaileen prestakuntza-agenda koordinatzea, Hautaketa Batzordeko kide diren institutu akademikoekin eta Babes Sarearekin elkarlanean.
12. Agenda politikoak eta prestakuntza agendak ekarritako gastuak justifikatzeko behar diren administrazio-eginkizunak koordinatzea, Babes Sarearekin elkarlanean.
13. Hartutako pertsonen egonaldian egin beharreko izapide juridikoak kudeatzea.
14. Harrera-prozesua, jatorriko lurraldeko egoeraren (testuinguruaren) jarraipena eta itzulera-prozesua (arrisku-diagnostikoa eta ekintza-planen diseinua) koordinatzea, ANSUR kolektiboarekin, hartutako pertsonekin eta Babes Sarearekin elkarlanean.
15. Itzuleraren ostean jatorrian bertan jarraipena egiteko bisita koordinatzea, Eusko Jaurlaritzako Giza Eskubide, Biktimia eta Aniztasun Zuzendaritzarekin, hartutako pertsonekin eta Babes Sarearekin elkarlanean.
16. Babes Sarearekin komunikazio etengabea izatea, defendatzaileen itzulera osteko egoera pertsonalaren eta antolatze-egoeraren jarraipena egiteko.